

مخبر

اجتماعی ، اجتماعی ، فلسفی ، تاریخی ، ادبی مجموعہ

شیمڈیک آبدہ بر نشر اولدور

مضامین

- دین تدریسی « معلمارہ مصاحبہ » یوسف ضیا
- مصر ماصالی « امیر علاءالدینک عشق رؤیاسی » قمریہ حسین
- سجدہ عشقکدہ سمیر جمال اور توس
- « ابن خلدون ، دہ اجتماعات « صوک » ضیاءالدین فخری
- آناطولیدہ معدنی حور م . شرف
- تاریخ حکمتدہ : صوفیون طاہر مریمی
- مستصوفہ سوزلریمی ، تصوفک ظفرلریمی « شیخ صفوت افندی بہ جواب » از میرلی اسماعیل مہدی
- سیماونہ قاضیسی اوغلی « شیخ بدرالدین » شرف الدین

ساعت مسافه سنده (جهتنده کی اٲکیندن چیقار. ترکیجه *vichy* صوینه بکزه، یالکز
براز خفیف در : (قاربونات دوسود و ماغه نزی و حامض قاربون)

ایچمه صویی. — صودره داغنگ (میلاس قصبه سنک غربنده) دیندن قاینار. ترکیبی:
(سولفات دوسود و مانیه زی .)

قارا آدا قاپلیجه سی. — قارا یا خود اوراق آداسنک بودروم قصبه سنک جنوب غربنده
و بر ساعت مسافه سنده شرق طرفنده و دکز قیسنده داغ دیندن چیقار ق دکره قاریشیر.
حرارت ۱۵-۳۰ ترکیبی : (کورکورت و آرسه نیق املحه سی ؟)

حرارت درجه لری و خواص دوائیه سی مختلف بو قاینار قلدن بعضلری؛ جوارنده بولونان
خلق طرفندن ییلک معین آیلرنده — مایس — آغوستوس قدر — زیارت واستعمال اولنور .
خلاصه؛ شیمدیلک اقتصادی فائده لری پک محدود و موضعی بر حالده در .

غربی آنادولو — آدالر دکزی قیسی — ده موجزد باشلیجه میاه حاره معدنیه بونلردن
عبارت در . ۱/ اشرین ثانی ۳۴۰ بک اوغلی — تپه باشی م . شرف

« تاریخ حکمت » ده صوفیون

بشریت، تاریخ تفکر اعتباریه بو کون درین برانقلابک عرفه سنده یا شادینی قناعتنده در.
انسانیت روحنک آلدینی اشکال، او قدر الملی واضطرابلی منظره لر کوسترییورکه افکار
بشرده سکون، استقرار کی نتیجه عملیه یه موصل هیچ بر طریق قالمادی . بونک اسباب
فلسفینی ایضاح ایچون تاریخک اوچ درت بیک سنه لک منقولات فکریه سنه دکل بو کونکی
جمعیتلر روحنک آلدینی معنای اختلاجی آ کلامق کافیدر. یوز بیکلرجه انسانک، مادیات
دریالرینک مرارت انکیز دالغه لری ایچنده بوغولدیغنی کوره ن حقیقی متفکرلر، برنور،
بره ایولی آرایورلر. بو کونکی تتبعاتک و ترقیات علمیه نک استهداف ایتدیکی غایه، جمعیتلری
صاران بو وسوسه وجدانیه یه برچاره بولمق، اونی بو فلاکتلی جریاندن قورتارمقدر .

متفکرلر، علمی نصل بر تصنیفه اوغرا تمشلر ایسه فلسفه تاریخی ده بنیه عقلیه لرینه کوره

۱ - عصمت تفکر و طفولیت فکریه دوره‌سی

۲ - استنتاجات عقلیه و معارف الهامیه دوره‌سی

۳ - تجربه و حکم فنی دوره‌سی

بر دورك ابتداسیله دیکرینک انتہاسنی صراحة تعینہ ، بشری جمعیتلرک بو کونکی منظره لرینہ کوره امکان فنی یوقدر . ذاتاً بوتقسیم ، معظم انسان کتله لرینک نسبی و متمادی تکمیل لرینہ کوره در . ایچنده یشادیغمز کره تا دور ابتدائی حالنده یشایان جمعیتلرک نمونه و یادگار لرینہ طولودر . بو عالمده هر نه ظهور ایدرسه اصلی بر طاقم قانونلره تابعدر . بو بسیطدن مرکبه ، ادانادن اعلا یه ، ناقصدن کامله دوعرو بلا توقف بر آقین ، لاینقطع بر سیردر که از لدن ابدہ قدر دوام ایتکده در . فن بوکا « اصول تکامل » تصوف « سیر سلوک و اصول نشأت » دیور .

لکن کائنات و بوتون بو کونی شائلر ، بو لایحی ظہورات بر مبدأ ایله بر منتہانک اسپریدر . بر ذره ، بر کل ، بر حیوان ، بر کره ، بر عالم و کافه هیا کل وجود بو قاعده نک زبون و محکومیدر . هر آن غیر منقسم اجرای فعل ایدن قانون ، تکامل و تکمیل ایدہ ایدہ لایعد اشکاله تحول ایتمش و هر تحوله بقائی بر موجودیتہ مظهر دوشمش ایسه دوام ، توقف ایتمش ایسه فانی و مندرس اولمشدر . بو آفاقی عالمده دوام ایدن متمادی تظاهراتک بالخاصه حیاتیاتک « مورفولوژی : استحالیات » اقسامنی ارانہ ایدن حادثه لره عائد تکامل نظریه لرینی لامارک ، داروین ، وری کی ماتریالیست عالملرک علمی نهجه واصل اولدقلری نتیجه لر ، مع الاسف مواضعه عقلیه نک اک یوکسک روحی ، حدسی تجلیله تعادلنی ، تکامل حقیقینک سیرینی الده ایتک امکاتی دائماً عديم قیلمشدر . ذکای بشرک اک صوک سعی ندای حیرتله قاپانه جقدر .

چونکہ بوتون حقایقک مصدری ذات مطلق ، ذات مطلقک نعوت کالیه سنه معکس ایسه معرض وحی و الهام اولان انبیا در . قانون تکامل ، دور کالات و استنتاجیه بی علما و حکمایه ، کالات الهامیه سنی اولیا و انبیایه تودیع ایتمشدر . منقرض عصرلری هاله دار ایدن اعظم ، اوزیریس ، براهما ، زردشت ، قونفوجیوس دن تافیتاغورث ، آریستو و پلوتنه قدر ذکانتک اک قطعی و کسکین استنتاجنی وسیر تکاملنی کوسترمشدر . فقط دماغ بشر ، بواقویل تشوشاتک قسوتلی انجامندن یزار اوله رق دالغین و متحیر دوشونورکن بر نورک

پرکونشک بردنبره دوغدیغنی کوردی. ایشته بو نور اراده‌نک استقلالنی، بشریتک حریتنی، دوچار ضمور اولمغه یوز طوتن عرفانی مهر نبوتله تأیید ایتدی. حیات و کائناتی احاطه ایدن قرانلق کیجه‌لرک نهایت بولدیغنی اعلان ایتدی. - که اوده فخر کائنات خاتم‌الانبیا «ص.ع.در»

بوندنصکره لدنی معارف، الهام و حکمت صورتنده نوردن عالم‌لر یاراتمش، الهام و حکمت ایسه وحی‌دن استعاره فیض ایده‌رک صمیمی حس‌لرک، قلبی فکر‌لرک وجدانی مشاهده‌لریله کبریائی برحقیقته مظهر دوشمشدرکه بوده منبعی ذات نبی، منشای جناب علی اولان حکمت صوفیوندر. بوتون منظومه افکارک بقا مرتبه‌لرینی جامع اولان بو فکر، «لا ایله الا» بی عمده قبول ایتمشدر. اونک محتواسی خارجنده هیچ برشی قالمامشدر. صوفیون، وجدانک، اخلاقک، انفسی کلاک نهایتی اوله‌رق ولایتی اصل قبول ایتمشدر. و بونی ایکی قسمة آیرمشدر: ولایت عامه، ولایت خاصه. ولایت عامه‌ده بوتون موحدین مشترکدر. ولایت خاصه، سلوک کورنلر ایله واصلره مختصدرکه عبدک فنا‌سندن وحقه بقا‌سندن عبارتدر. روحی تصفیه تکمل ایتدکجه سالکده ربانی وصف‌لر ایله نورانی وصف‌لر ایله نورانی بر وجود پیدا اولور. بو حالی ابو علی جرجانی «الولی هو الفانی من حاله الباقی فی مشاهده الحق لم یکن له عن نفسه اخبار ولا مع غیر الله قرار» دیه تعریف ایتمشدر. - رساله قشیری‌ده ولی، شو کیسه‌درکه حق تعالی اونک امرینه تولی ایدر - مالک و متصرف معناسنده - حقک عبادات و طاعاتنه متصرف، متوالیاً حقک عباداتی اونک اوزرینه جاویدر. اونکله حق آراسنه عضیان داخل اوله‌ماز. ربوبیت ذاتی، الهی صف‌لری، احوال، حوادث و نوازک تفاضلی صورتلرنده تفصیلی اصول ایله مراتب توحیدی اکیان ایتمشدر. - اونک ایچون نبینک ولایتی نبوتندن اولادر دیرلر - عرفای صوفیه عندنده مراتب توحید دورتدر: ایمانی توحید، علمی توحید، حالی توحید، الهی توحید. ایمانی توحید، آیات‌الهی‌نک منصوصی تبلیغیه مخبر صادق تصدیقدر - که ذات حقک معبودیتنه استحقاقنه و فردانیتنه اقراراً ایماندر. صوفیه ضرورت ایمان حکمیله عامه مؤمنینی بو توحیدده مشارک‌عدایدلر. علمی توحید، حقیقی موجود مآثر، یقیناً حق اولدیغنه جازم اولمقدیر. چونکه جمیع ذوات، صفات، افعال صفات مطلقک معکس نورلریدر. حالاً توحید، ذوق ایله حالک امتزاجندن ظهور ایدن تشاندیر. موجود واحدک جمالک مشاهده‌سیله عین جمعه مستغرق اولور. سالک توحیدامواجنک تصرفنه دوشر.

شیخ الطریق جناب جنید بو حالی « التوحید معنی یضمحل فیہ الرسوم ویندرج فیہ العلوم ویکون الله کالمیزل » دیه بیان ایدیور، الہی توحید، ذاتک معرفتندہ در، متکلمین بورادہ امکان ادراکی، قبول ایتشلردر.

حکما و صوفیون از جمله امام غزالی و امام الحرمین ذات معرفتک استحالہ سندہ موافق قالمشلردر. امام علی رضی الله عنہ « رأیتہ فعرقتہ تعبدتہ ولم اعبد رباً لمارہ » یعنی بن ربی کوردم، بلدم، عبادت ایلدم کورمدیکم ربہ عبادت ایلیم بیورمشلردر [۱] تشبیهی فکرلردن تنزیهاً ذات حق، هر دورلو نعتدن تجرید ایدیورده ذکای بشر، قارشوسندہ مجرد بر الوهیت مفهومی کوریرسه بوتون تجلیات، شئونات، حادثات، وظواهر کونیه معناسز واستنادستر قالمش اولور. صوفیون ذات معدوم عدم محضدر. لئی صرفدر. حقیقی موجود وهیچ بر ذات موجود، محض عدمی قبول ایده مز. بناءً علیه جناب حق بر ذاتدر که جمیع احوالده باقی وثابتدر. غالمک وجودی حقتک بر ظلی مختلف اسملرده تجلیسیدر دیورلر. جمله مخلوقاتده حقتک ظهور خاصی واردر. هر مفهومده تجلی حیثیه محفیدر.

صوفیونک « وحدت وجود » اعتقادینه مقابل « وحدت موجود » نامنی طاشیان دیگر بر منظومه فکریه واردر که بونی اک زیاده مادی عالم مدافعه ایتشلردر. طبیعی تجر بهلردن متحصل بو نظریه لر، الہی نورلردن معکس تجلی بولان اولی حقیقتک یاننده جانسز وقوری تلقیلردر. دنیلور که الله مادی عالمک ایچنده ومادهده منحل، بزى احاطه ایدن عضوی وغیر عضوی موجودلرک تعقیب ایتدکری تکامل سرلری عین مادهنک قوتیه حصوله کلن کیفلردر. بونک آسی جانلی آتوملر، ماده ایله قوت کی بر جوهرک مختلف طرزده کورینن شکللریدر.

حالبوکه بوتفکر سیستمی، ذات مطلق کی بوتون معلولاتک توقف ایتدیکی برعلتی، سبیدن مستغنی بر سبی تعیین ایتدیره جک ماهیتده دکلدلر.

صوفیون، معرفت ا آهیده عقلک، ذکانک اقدرتلی صلاحیتنی آشوب روحی حدس ایله یورومشلردر. فلسفه، عقلی تتبع سایه سندہ جناب حق، بر موجود مطلق وغیر متناهی واکمل اولوق، اشیا نکل علت اولاسی بولنق اوزره تصور ایدر. جناب حقتک تصور فلسفی حقیقده بومعانی و تصور ثلاثه بر تحقیقه مطابقیدر وخارجده بر موجودده متحقق میدر.

[۱] نفحات الانس، مولانا جامی

وجود باری حقنده کی انچه فلسفی تبعلر بونقاط اطرافنده تکاتف ایتشدر . اشیانک علت اولاسی بولمق ادله سنده غایتجی عالم لره برلکده قوری و روحسز بر طبیعت تصورنده بولنان حیوی و غیر حیوی موجودلرک انجق بزى احاطه ایدن کائناتدن بشقه هیچ بر وارلغنه ایمان ایتیهن مادی متفکرلر بیه - علومک صوک تفحصاتی حضورنده - بر وجود اعظمه قائل وقانع اولمق اضطرارنده بولنیورلر .

سقراطدن بری دوام ایدن بوعلیت دلیلی او قدر شایعدرکه اک قطعی الحاد وانکاری التزام ایدن مسلکک ایلک اوکجه بودلیلی چور و تمکه بوکا قارشى جبهه المغه مجبور قالمشدر . « لاینیج » اشیاو موجودات ، اولجه چیزلش بر پروغرامی قوه دن فعله حیقار مقدن بشقه برشی یا امامقده درلر دیور . حتی « برغسون » کی حدس فیلسوفلری بیه کائناتک بر آهنگ مقدم دائره سنده دمکندار اولدیغنی ویا لکز کائناتک ثابت و بالخاصه ذکایله بیلنه جک ماهیته اولمادیغنی وانجق حر اولونشرینتک یعنی مهادی صیروز تترینک حدس واسطه سیله آدیم آدیم حس وتعقیب اولنه بیه جکی قناعتنی کوستریور . حیات و کائناتده دائماً متبدل ، متحول ، غیر مستقر ازی برولودیت دوام ایتکده در . ایلک « نوه نشأت » زمانلره اولچوله میه جک قدر مدید انقلابلرک اک صوک حدنده بیه غایبه وی وصفی اظهار ایدیور . ذکای بشرک ، ساحه امکانی قطع ایدن بواشکال تکون ، عقلی تبعلر اوکنده ، بیغیلان براهرام حالنده قالیور . بز قوانین حادثاتک ایلریده خلق ایده جکریله ماضیده خلق ایتدکرینک - یعنی تعیناتک - اورتیه سنده کوریه میه جک قدر سرعتله کلوب کجهن « نقطه موصول » ه حاملنده بولنیورلر . بو خصوصده استنتاجات عقلیه مزک تنویر ایتدیکی ساحه ده بیه سبب اولی ومنشأ علامک شعوری ؛ ارادی عالمترینک ایچنده یوزوب کیدیورلر . « قانت » دیورکه طبیعتک محصول عضویسی اولیه بر محصولدرکه آنده هر شی متقابلاً غایه و وسیله در . بر اثرده که بر مقصد واردر آنک مؤثرنده هر حالده بر قصد واردر . قصدسز مقصد حصوله کماز . قصد ایسه عقل و شعور ایله مسبوقدر . معلول مستقبلک علنی بیلمه یهن ؛ ازاده ایده مه یهن بر علت ناصل اه معلول مستقبلی وجوده کتیره بیلور . « برغسون » شعوری ؛ حیات و کائناتده دائماً متجلی کورمش مبدأ عالمیده بر شعور اوله رق قبول ایتدیکنی بیان ایتشدر . بعضیلر علل غایبه دلیننه ، طبیعتده فائیتک وجودی یوقدر . دیه اعتراض ایتشدر . فقط بزم غایه یی تصدیقمز حادثاتک علل فاعلیه سنی تعیین ایتدیکنمز قدر یقیندر .

حقیقت وجودی [*] و بوتون کائناتده سرانی اولان بوتجلی بی ادراک ؛ وجدانی تصفیرله محتاجدر . خلقتک غایهسی بومرحله نیک برنجیسنی تشکیل ایدر . وجود واجبی عرفانی بر تکامل ایله اذعان وهرشیده متجلی کورمک ؛ روحک اخلاقی کالک ؛ حکمت ظهور موجوداتک اک یوکسک وصفیدر . صوفیون ؛ بونی اعتقادی برمنظومه مجرد برمفهوم دکل ؛ عملی حیاتک جبری برمیثاقی ؛ ازلی برعهداولهرق کوریرلر . ایمانک اعمال اوزرنده منساقی ؛ افعولهسی کورولمزه حیات کائنات ؛ بوتون فضا وعوالم وهمی مجردلرک مشکلی حالندن اوتیه کچه مز . فطرت ؛ شعور ؛ غایبات کال ؛ حکمت ، خیرکی وسائلك فردی روحلرده انطباقنی استهداف ایدر . جمعیت ایسه بوسلوکیک ضروری نتیجه لریله منفعل خیری اتصاف ایتمکله اخلاقی انسجه سنی طوقومش بولنور .

اسلام ، فلسفی نظریه لردن اخلاقی ؛ عملی حکملریله اولدجه متأثر اولمشدر . مسلمان زمره لرک ایچنده منقرض قوملرک اوثانی ؛ سیاری ؛ اثری عقیده لری کورولمشدر . مختلف اقلیم ؛ ساحه لردن طاشینان بوفکرلر حادثاتک رنکریله ده امتزاج ایدرک برچوق جریانلر وجوده کتیرمشسه ده بواسلامک اوریتینال برسیاقی اولیوب داغنیق وسرپلش خزمه لری حالنده قالمشدر . اولوهیت فکرینک تلقی شکللریله عرضی عالمک آهنگ و غایه سی شدتله یکدیگرینه مرتبطدر . بونک ایچوندرکه حیاتی سطحلرک اوزرنده بارز تجلیله فردک ایمانی قدرتی عامل ؛ جمعیتک ایسه اشتراک ؛ دوام ؛ انحلال ؛ تفسخ کی حاللرینه قوتلی مؤثر اولمشدر . عالم ، میخانیک برقابلیتک اسیری ؛ ضروری بریرا تمه اصرارینک نتیجه سی ایسه غایتسز بر تگون اولان شومنظروی حالیه انسانیتک استناد ایتدیکی اک قیمتلی ادراک ومفاخرک کاملاً ییقلمش قارشومزده روحسز برهیولا ییغندن بشقه برشی قلاماش اولور . فلسفی مسلک لرک حیات اوزرنده کوردیکلری تشانلر ؛ مدلوللر ؛ تفسیرلرک هیچ بر وقت جهورک عمده مطالی اولدینی کورولمه مشدر . نه قانتک اضافیه جیلکی نه اوکوست قونتک اثباتیه جیلکی ونه ده سنسیرک لادری تکامل جیلکی بواحا طه بی کوستره بیلمش .

صوفیونک حکمت کائناته دائر تاقیلریله اونلرک عملی ساحه لره عائد فکری جزم لری ایکنجی قرن هجریدن اعتباراً اسلامی زمره لر آره سنده دزین ایزلر ؛ حیات اوزرنده مهم

[*] صوفیونک اک اینجه و سیال - منصور ، بایزید ، محی الدین عربی کی - وحر دوشونلری حقیقت وجود بجهنده دیکرا عاظم دن قسماً ایرلشدر چونکه اونلر نشئه امام علیه درلر . دیکر لری ایسه محالی ممکناتده یعنی موجودات آینه لرنده نورینک ظهوری اعتباریه حقیقت وجود ، کورمه لردر

تأثیر و وجوده کثیرمشد. اسلامده اولوهیت فکرینک الیوکسک معرفتی صوفیلر؛ عقل و نقلک؛ نظر و خبرک افاده ایتدیکی یقینی برعلمله و پاخودنفس ناطقه‌نک؛ مشاهده‌نک الله ایتدیکی یقینی عیندن متعالی بالذات باطنی حسارک، روحی تجربه‌لرک مشاهده معکسی اوله‌رق تجلی ایدن برحق قبولده کورمشلردر که بودرجات معارفده مطالب حکمیه‌نک اک متکاملیدر. صوفیه‌نک غایه قسواسی توحیددر. بو آنجق سلوک کورمک؛ اخلاقی؛ اعمالی معرفتی اساسلری تهذیب ایتک حالی؛ ذوقی مواجیدک وجدان اوزونده انعکاسندن دوغار. فلسفه؛ فکری ترقیلرله الهیلدیکنه تجدد ایتکدهدر. فقط حکمتک واصل اولدیغی نتیجه عالی درجه‌لردن متعالی اولان خیر اعلاده توقفدر. افعالزک غایه‌سی خیر اعلایه وصولدر. صوفیونک اقصی‌الغایاتی خیر و کمال مطلق اولان جنات قادر قیومدر. اسلامده صوفیون؛ اوفق فرقلرله اسلامک اک درین حکمت و فلسفی روحنی کشف و تتبع ایتمشلردر. عملی قسمنده ایسه بدیعیاتک؛ عالی‌حظوظک؛ انفسی؛ روحی حقیقتلرک احاطه‌سنه وجدان ملکه‌لرینی تمویز ایتدیرمشلردر. غرب عالم‌لرینک اکثری «پانته‌ایزم» دنیلان مذهب صوفیونی «پلوتن»ک [*] نوافلاطونیلکنندن ملهم اسکندریه مدرسسه‌سنک فلسفه وجودیه‌سی دیه قبول ایدرلر. حالبوکه صوفیون دوغریدن دوغریه سنت و قرآنندن الهام آلهرق دینک اک عالی مفهوماتی؛ درونی حکمیاتی کنندی تجلیلرنده بولمشلردر. امام غزالی «المنقذ عن الضلال» اثرنده بونک بدرقه ذوقنه بالذات محل اولدیغندن، ریب و شک دالغهلرینک مهلك و مزعج اغطر ابلرنندن بحث ایتمشدر. استنتاجات عقلیه‌نک نظری دلیللریله افاقی معرفتک روح، وجدان کبی درونی، ونفسی عالم‌لری هیچ برزمان تطمین ایده‌مدیکنی مؤثر برلسانله ا کلا تمشدر.

تصوفک سیاسی اعتقادی و اجتماعی تأثیرلری — اسلامیتک کیتدکجه ارتان قدرت و نفوذی بویوک عنصرلرک بومقاومتسوز استیلانک قارشوسنده ضروری مطاوعت‌لری، اسلامی، تااسیادن غربه‌قدر کورتورمش و بوضورتله برچوق ملت‌لرک سیاسی، حزنی، ملی موجودیت‌لری

[*] پلوتن، حکما و اشراقیونک اک پارلاق واک بویوک پیریدر. داهی برقیلس-وفدر. شرقک تلقیات فلسفیه‌سنده چوق تأثیر ایلماش و «فلوطينوس» نامیله عظیم برشهرت قزاتمشدی. آثاری مضبوطدر. اهدالیلاد «۲۳۲» ده وفات ایتمشدر. «پورفیریوس» اونک اک مهم شاگردیدر. عالم اسلامده «ایساقوجی» نامیله معروف رساله‌نک مؤافی اولاق طولایسیله فرقریبوس عنوانیله مشهور اولمشدر. استادینک آثارینی یازوب طوبالایان اودر کندیسیمده خوجیه‌سی کبی غایت صوفی‌ایدی. مدت عمرنده اوج کره وجد و استغراق طمانده وصال حقه نائل اولدیغی ادعا ایتمشدر.

قسماً بلع اولمشدر . اسلامیت سقنی التنده فقیردایان بو قوملر سجهوی ، روحی و صفرینی اسلام دینک و کسکین ضربهسی اوزرینه ترك ایتک مجبوریتنده قالمشلردر . یقیلان سیاسی ، ملی بئلکله اسلامک اوپژکتیف کالی ایچند قاینایوب کیتمشدر . بشرک عصرلر دنبری معروض قالدینی روحی ، معنوی ضلالتلرک ، افسانهوی عقیدهلرک بوتون بومنشورات اساطیرک یرینه اولوهیت فکری ، هر دورلو نعوت کالیه ایله موصوف قادر و عادل برالله مفهومی اقامه ایدیلنجه اسلاملر بو حقیقتک اوکنده صمیمی ارادهلرینی ، وجدانی قناعتلریله مزج ایدهرک اعلاهی کلمه الله ایدن بر امت تشکیل ایتدیلر . فقط صرف ایمان و وجدان اوزرینه تأسس ایدن بوجامعه ، حرثی ، نفسانی القاحلرک ضروری تأثیرلریله پک آرزوکره انحلاله اوغرایهرق ملی هویتلر ، قدیم منظومهلر یواش یواش تعضو ایدرک بر چوق عقیدهوی وسائل ایله غروپلره ، پارچهلره ، کتلهلره آیرلدی . دردنجی بشنجی عصر هجریده اسلام دنیاسی اک اوافق جزء تاماره داغیلش بر منظره کوستریوردی . حیاتک ، معنوی جهانک دنیوی احتراضلریله قیلرده تیلر ایدن بوژنک عصیان و اعتزال ، الیوکسک حقیقتلری اهل ایتدیرمش ، وجدان ساحهسینی قوری و چوراق بریفای عدمه چویره چک قدر منفور جریانلر آچمشدی . بوندن اورکن متفکرلر ، تصوفک وجدی ، عشقی اضافتسز اعماقنده ساکن بر ایمان بولدیلر . اشتیاقلی امللر ، مکروه نفسانی امارهلر ، زسوی عقیدهلر هپ اوراده اریوب حو اولیوردی .

بناء علیه کیتدکجه توسع ایدن بو فکرلر ، اسلامده معین بر عقیدهک ایقانی حقیقتلرینی تلقییه مستعد بر روح بر وجدان یاراتمشدرکه بونک منبعی شریعت ، منصبی معرفتدر . سفیان ثوری ، عبدالقادر جیلانی ، شهابالدین سهروردی ، محی الدین عربی ، شیخ یوسف همدانی ، امام غزالی ، راغب اصفهانی کی بویوک صوفیلر ، الهام و فیض منبعلرینی هپ کتاب وسنتدن آلمشلردر . بو خصوصده الکایجه تدقیقلر آثار صوفیهک تبعلرندن چیقان نتیجهلر هندک « پانتیهیزم » ی ایرانک « زردشتی » اسکندریه مدرسه سنک وجودی فیلسوفلری کی اجنبی منبعلرندن اوزاق اولدیغنی تنصیص اتمکدهدر . کلی ماهیتلرک ، هاتفی حقایقک مصدرلری ، عرفان و حدس طریقیه کامل ذکالره دائماً تجلی ایتدیکی واقعدر . بر شینک تفکر شیاقیه متجدد برلرندن خبردار اولیان بر چوق حکمیلره هر زمان تاریخ حکمتده تصادف ایدلمکدهدر . مقتول شهابالدین سهروردی دیورکه : اول و آخر کلن حکمیلر ایسترمصری ،

یونانی، موسوی، ایرانی، عرب اولسونلر ایستر هرمنز منکیسه رك، بزر جمهره، افلاطون، فیثاغورث تسمیه قلنسونلر جمله سی ظاهراً متنوع فقط هپسی مشترک اساسلری بر اصول و مسلک داخلنده تعلیم ایتمشدر . اونلر بو اصوللری یالکز عقل و تفکر لر یله دکل باطنی بصیرت، غیبی مکاشفه لر ایله بولمشدر . مسلک صوفیون نشأت عالمدن بری دوام ایدن بر الهامدن متولددر . غزالی سنه لرجه قانه یان وجداننک اک قطعی تداوی و الهامنی تصوفده نظری و عقلی علملرک و اصل اوله مدینگی حقیقت عالمینه انجق تصوفک، باطنی، الهی سرلریله و اصل اولدیغنی اک قطعی برهان و دلیللرک بوتون رشد، ذکا و عقلی حکم لر ریب وشک مرضیه علیل اولان وجدانلره برامه سکون بیه ویره مدیکنی آکلادیور .

تصوفی فکر لر، اسلامده مبرم و حیاتی ساحه لره قدر شمولانی توسیع ایتمش . اوندن ایمانلر، ذهنیتلر، اجتماعی سیستملر، حرث و ملیت کبی سجه هیوی بنلکلر، سیاسی تشکلر عمومیتله متأثر اولمشدر . بو، بعض زمانلر حقیقی ماهیتیه بر مذهب فلسفی، دینک عالیات و مفاهمنی اخلاق و عمل عالمده تطبیقه موفق اولمش بر سلوک وجدانی حالنده دوام ایتمش . بعض زمانلرده ایسه اکمنفور احتراملرک تسکینه آلت اوله رق قوللانلشدر . شیخا کلدن شاهلغه ارتقا ایدن سیاسی شخصیتلری، بدایتلری زاویه نشین، تصوفی لونلر ایله وجدان عامیه کندیلرینی قبله اتخا ذ ایتدیرن روحاً اختلاجی حکومت سودالیرینی تاریخده پک چوق کور مکده یز .

آفریقاده آسیایه چیقان صاحب الظهورلر، جهانی، عصر لرجه بیهن «حکومت ملاحده» لاطنیلر، امام علی ایله شیعه نک توصل ایتدیکی محبت اهل بیت و صوفیه نک خرقة تعبیر ایتدیکی امانت محمدیه نک امام علی واسطه سیله اخذ ایدلدیکی، بو نسبت معنویه نک پک چوق تصوفی طریقلرده آلدیغنی اعتقادی رنگلر، بالنتیجه، تاریخک نقل ایتدیکی اک آجی و مکروه حادثه لرک علی، اسلاملرک تفرقه و مذهبی اختلافلرله آقیتدلری قانلرک سببی اولمشدر .

ایشته بونلر، اکعالی حقیقتلرک غیر مستعد انسانلر طرفندن سوء استعماله اوغرا دلیندن

(مابعدی وار)

متولددر .

ظاهر صریحی